

Апостол 10.11.2024

**Б:** Мир всем.

**Я:** И духови твоему.

**Б:** Премудрость.

**Я:** Прокимен глас 3:

Пойте Богу нашему, пойте, / пойте Цареву нашему,  
пойте.

**Хор:** Пойте Богу нашему, пойте...

**Я:** Все языцы воспещите руками, воскликните Богу  
гласом радования.

**Хор:** Пойте Богу нашему, пойте...

**Я:** Пойте Богу нашему, пойте.

**Хор:** / пойте Цареву нашему, пойте.

**Б:** Премудрость.

**Я:** к галатом послание святого Апостола Павла чтение.

**Б:** Вонмем

**Братие,** скажу вам, Благовествование благовещенное  
от мене, яко несть по человеку. Ни бо аз от человека  
приях е, ниже научихся, но явлением Иисус Христовым.  
Слышасте бо мое житие иногда в жидовстве, яко  
попремногу гоних Церковь Божию и разрушах ю, и  
преспевах в жидовстве паче многих сверстник моих в  
роде моем, излиха ревнитель сый отеческих моих  
преданий. Егда же благоволи Бог, Избравый мя от чрева

матере моея и призвавый благодатию Своею, явити  
Сына Своего во мне, да благовестую Его во языцех,  
абие не приложихся плоти и крови, ни вздох во  
Иерусалим к предним мене апостолом, но идох во  
Аравию, и паки возвратихся в Дамаск. Потом же по  
триех летех вздох во Иерусалим соглядати Петра, и  
пребых у него дний пятнадцать. Иного же от апостол  
не видех, токмо Иакова брата Господня.

\*( Гал 1:11–19, зач. 200)

**Б:** Мир ти.

**Я:** И духови твоему.

**Б:** Премудрость.

**Я:** Аллилуиа глас 3

**Хор:** Аллилуиа 3 раза

**Я:** На Тя, Господи, уповах, да не постыжуся во век.

**Хор:** Аллилуиа 3 раза

**Я:** Буди ми в Бога Защитителя, и в дом прибежища,  
еже спасти мя.

**Хор:** Аллилуиа 3 раза